



3. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. Naalakkersuisut uppersarsinnaanerlugu, Danmarkimi Erhvervsstyrelsen Kalaallit Nunaanni eqqartuussivik peqqunikuugaat immiorfik Nanoq Beer Greenland aps pinngitsaalillugu matussagaat, immiorfiup ukiumoortumik naatsorsuusiortarneq pillugu inatsimmi kukkunersiukkanik naatsorsuutinik nassiussinissamut piumasaqaat unioqqutissimmagu?
2. Namminersorlutik Oqartussat ingerlatseqatigiiffiutaat Greenland Venture suli immiorfimmut Nanoq Beer Greenland apsimut piginneqataava?
3. Greenland Venture qanormita iliorsimava immiorfiup pisortai (pisortaq siulersuisullu) kaammattorniarlugit ukiumoortumik naatsorsuusiortarneq pillugu inatsimmi kukkunersiukkanik naatsorsuutinik nassiussinissamut piumasaqaat malissagaat?
4. Naalakkersuisut pilersaaruteqarnerlutik immiorfimmit akisussaallutik aqutsisut politiinut suliaqqutissimanniarlugit ukiumoortumik naatsorsuusiortarneq pillugu inatsimmi § 164 imm. 2 naapertorlugu, paasinarsissagaluarpat takku 2012-mut naatsorsuutit kukkunersiortissimannikkaat?

(Inatsisartunut ilaasortaq Palle Christiansen, Demokraatit)

Tunngavilersuut:

Sermitsiami ulloq 30. august atuarneqarsinnaavoq, Danmarkimi Erhvervsstyrelsen Kalaallit Nunaanni eqqartuussivik peqqusimagaa immiorfik Nanoq Beer Greenland aps atorunnaarseqqullugu. Tamatumunnga pissutaanerarneqarpoq, immiorfiup aqutsisuisa, peqquneqareeraluarlutik, ukiumoortumik naatsorsuusiortarneq pillugu inatsimmi kukkunersiukkanik ukiumoortumut naatsorsuutinik Erhvervsstyresimut nassiussinissamut piumasaqaammik malinnissimmaginnerat.

Namminersorlutik oqartussat ingerlatseqatigiiffiutaat Greenland Venture – eqqaamanerlunnikkuma – immiorfimmut piginneqataavoq. Namminersorlutik oqartussanut kannngusuusaarnassaqaq aamma namminersorlutik oqartussat tusaamaneqarnerannut innarliissaaq, ingerlatseqatigiiffiup, namminersorlutik oqartussanit toqqaannangikkaluamik piginneqataaffigineqartup ukiumoortumik naatsorsuusiortarnermut inatsit naapertorlugu kukkunersiukkanik Erhvervsstyresimut nassiussinissani malissimannigippagu. Aamma taamaattumik paaserusuppara Greenland Venture sapinngisaminik iliuuseqarsimanersoq immiorfiup pisortaa immiorfiullu siulersuisuisa siulittaasuat paasitinniarlugit, akuerineqarsinnaanngitsoq namminersorlutik oqartussat ingerlatseqatigiiffiata ukiumut naatsorsuusiortarnermut inatsimmi malittarisassat unioqqutissimappagit.

Apeqqutit akeqquneqarput tigusineraniit ullut sulliviit naliginnaasut qulit qaangiutsinnagit.